

Aotelega O Pepa Faamaonia Tau Inisiua – Pepa Faamaonia Tau Inisiua O Le Kanesa (Cancer Policy)

O faaupuga “matou” ma le “tatou” o ta’ua i le Pepa Faamaonia Tau Inisiua lenei, e faasino lea i le *American Income Life Insurance Company*, o le kamupani fai inisiua i lalo o le Pepa Faamaonia Tau Inisiua.

O faaupuga “oe” ma le “lau” e faasino i le tagata o ta’ua le suafa o le “Tagata ua Inisiua” i le Faatulagana o Pepa Faamaonia Tau Inisiua.

E saunia e le Pepa Faamaonia Tau Inisiua tulaga e aogā ai mo le uluai faamaoniga o le Kanesa

O le Pepa Faamaonia Tau Inisiua o le inisiua lea i le uluai taimi ua faamaonia ai ua aafia se Tagata o Aofia i le inisiua i le Kanesa.

Matou te totogia se faamanuiaga talafeagai pe afai o le Kanesa na muai iloa ina ua mavae le uluai 30 aso talu ona faamamaluina le Pepa Faamaonia Tau Inisiua. Na muai “iloa” le Kanesa ina ua aliae āuga o le Kanesa e ono afaina ai se tagata mataala e saili se faamaoniga, tausiga po o se togafitiga.

A mavae uluai aso e 30, matou te totogia se faamanuiaga talafeagai pe afai na muai faamaonia le Tagata o Aofia i le inisiua i le Kanesa i le taimi lava na aloaia ai le Pepa Faamaonia Tau Inisiua. O le uiga o le upu “faamamaluina/in force” e leai se taimi ua taofia ai le inisiua o fai.

O lo o faatulagaina i totonu o le Faatulagana o Pepa Faamaonia Tau Inisiua le aofaiga matou te totogi atu. Matou te totogia le ‘afa o le aofaiga pe afai o le Tagata o Aofia i le inisiua na muai faamaonia le maua ai i le Kanesa pe a mavae le faamanatuina o le tausaga o le Pepa Faamaonia Tau Inisiua mai le atoaga o le 65 tausaga o le soifua.

O le taimi lava ua matou totogia ai le faamanuiaga, o le taimi foi lea e faagata ai le inisiua i lalo o le Pepa Faamaonia Tau Inisiua mo le Tagata o Aofia i le inisiua.

Matou te ta’ua oe ma tagata ua inisiua taitoatasi o lou aiga o “Tagata o Aofia/ Covered Person”.

E iai lau aiatatau e faalēaogāina ai le Pepa Faamaonia Tau Inisiua i totonu o aso faigaluega e 10

Afai e te manao e faalēaogāina le Pepa Faamaonia Tau Inisiua i totonu o aso faigaluega e 10 na matou tuuina atu ai ia te oe le pepa faamaonia tau inisiua, o lona uiga e tutusa lava le tulaga o le a iai oe ma i matou i lona tulaga peiseai e leai ma se pepa faamaonia tau inisiua na tuuina atu. Afai o se tulaga lea, matou te toe totogi atu so o se tupe faasaofaga totogi faavaitaimi na e totogia.

O le auga faavae o le Aotelega o le Pepa Faamaonia Tau Inisiua lenei o le faamalalama o nisi o itu tāua o le Pepa Faamaonia Tau Inisiua.

O le Aotelega o Pepa Faamaonia Tau Inisiua o se ootoga aoao ma e lē o se vaega o le konekarate i le va o oe ma i matou.

FAAMOLEMOLE FAITAU LELEI LE PEPA FAAMAONIA TAU INISIUA I LE TAIMI LAVA E TE MAUA AI.

O lo o maua faamatalaga atoa ma tulaga ua faatapulaa i le Pepa Faamaonia Tau Inisiua.



E mafai ona inisiua lou aiga i lalo o le Pepa Faamaonia Tau Inisiua

Matou te ono teena le totogi o faamanuiaga pe afai na e faailoa mai ia i matou se mea na sese i lau talosaga na fai

E mafai ona e faalēaogāina le Pepa Faamaonia Tau Inisiua pe a e logoina mai:

- i matou, i fesootaiga o ta'ua i luga; po o le
- faufautua a le *AIL i Niu Sila* na faatauina atu ia te oe le pepa faamaonia tau inisiua.

Afai e te faalēaogāina le Pepa Faamaonia Tau Inisiua pe a mavae aso faigaluega e 10 na tuuina atu ai le pepa faamaonia tau inisiua, o lona uiga matou te lē toe totogia atu tupe faasaofaga totogi faavaitaimi na e totogia.

O i latou nei o lou aiga e mafai ona inisiua:

- lou toalua, toalua e tutusa itupa po o se toalua faapouliuli;
- o lau fanau e lei atoa le 19 tausaga le matutua na faamauina igoa i le aso na saina ai le Pepa Faamaonia Tau Inisiua, ma e lei faaipoipo, e fai aiga ma se tasi e tutusa itupa po o se ulugalii faapouliuli, ma e ola faalagolago ia te oe.

O tagata taitoatasi uma lava, e tatau ona ta'ua igoa i le pepa talosaga pe faaopopo igoa i le Pepa Faamaonia Tau Inisiua pe a mavae le taimi na tauaaoina atu i ai, ma o tulaga nei e mafai ai ona inisiua ma i latou. O inisiua mo isi tagata e faalagolago ia te oe le tausiga e noatia lea i la matou faamaoniga.

O lo o aofia i le Pepa Faamaonia Tau Inisiua faamatalaga auiliili o aiaiga i le taimi e faagata ai se inisiua mo sui o aiga i lalo o le Pepa Faamaonia Tau Inisiua. O nei aiaiga e aofia ai mo se faataitaiga, o le mea e tupu pe a aulia le 21 tausaga o le matutua o lau fanau.

Afai e te faailoa mai ia i matou se mea na sese o lau talosaga na fai mo se Pepa Faamaonia Tau Inisiua (po o ni faamatalaga e lei aofia), o lona uiga o le uluai lua tausaga na faia ai lau inisiua matou te ono (tulaga e faatagaina e le tulafono):

- faalēaogāina le Pepa Faamaonia Tau Inisiua; ma
- teena le totogi o ni tupe na e talosaga e totogi atu.

A mavae le lua tausaga nei, o lona uiga matou te lē faalēaogāina le Pepa Faamaonia Tau Inisiua pe teena le totogi o ni tupe na e talosaga e totogi atu pe afai na e faailoa mai ia matou se mea ua sese i lau talosaga (po o se mea e lei aofia ai). O tulaga nei o le a iai se'i vagana ua e faia i se tulaga taufaasese.



E iai tulaga patino matou te lē totogia ai se faamanuiaga

E patino lava ituaiga kanesa matou te totogia ai se faamanuiaga i lalo o le Pepa Faamaonia Tau Inisiua. Mo se faataitaiga, o ituaiga kanesa o ta'ua i lalo o ituaiga nei matou te **lē** inisiuaina i lalo o le Pepa Faamaonia Tau Inisiua:

- kanesa o le pa'u o le tino;
- kanesa e lei sosolo;
- Stage 1 o le faama'i Hodgkin;
- Stage A o le kanesa prostate; ma
- ituaiga patino o le melanoma o lo o faatulaga i totonu o le Pepa Faamaonia Tau Inisiua.

Matou te lē totogia se faamanuiaga pe afai na uluai faamaonia le Kanesa i se atunuu i fafo atu o Niu Sila, Ausetalia, po o le lunaite Setete o Amerika.

E tatau ona totogi tupe faasaofaga totogi faavaitaimi

E tatau ona totogi mai ia matou tupe faasaofaga totogi faavaitaimi mo le faatumauina o le faamamaluina o le Pepa Faamaonia Tau Inisiua. O lo o faatulagaina i totonu o le Faatulagana o Pepa Faamaonia Tau Inisiua le aofaiga o tupe faasaofaga totogi faavaitaimi.

Afai e lei totogia tupe faasaofaga totogi faavaitaimi i le aso e tatau ona totogi ai, matou te faataga aso e 31 e totogi mai ai tupe faasaofaga.

E otomeki lava le faafouina o le Pepa Faamaonia Tau Inisiua

E faamaonia le faafouina o le Pepa Faamaonia Tau Inisiua seia atoa le 80 tausaga o lou soifua. E faalagolago le tulaga lea i le totogi o tupe faasaofaga totogi faavaitaimi ma le tausisia o au aiaiga i lalo o le Pepa Faamaonia Tau Inisiua. E lē mafai ona matou faalēaogāina lau Pepa Faamaonia Tau Inisiua po o le faaopoopo o so o se faiga e faatapulaa ai, i le taimi atoa o faamamaluina ai le Pepa Faamaonia Tau Inisiua ma o lo o e tausisia tuutuuga i lalo o le Pepa Faamaonia Tau Inisiua.

E iai la matou aiatatau e suia ai le fua faatatau o tupe faasaofaga totogi faavaitaimi ua faafou mo le Pepa Faamaonia Tau Inisiua. O le a faaogā suiga nei i pepa faamaonia tau inisiua uma i totonu o Niu Sila i le tulaga lava e tasi e pei o le Pepa Faamaonia Tau Inisiua. O le a matou tuuina atu ia te oe se faaaliga e faia ai se suiga i totonu o le 31 aso.

Faiga e mafai ai ona fai se talosaga

E tatau ona e logoina mai matou (po o se sui faufautua a le *AIL i Niu Sila*), i se tusi, e tusa ma se talosaga e faia i totonu o le 60 aso na muai faamaonia ai le Kanesa, po o se taimi vave ma talafeagai pe a mavae le taimi faatulagaina lea.

Matou te lafo atu ia te oe pepa e fai ai talosaga e faatumu pe a e logoina mai matou e tusa ma se talosaga o le a e faia.

E tatau ona e faatumu pepa talosaga ma toe lafo mai ia i matou (po o se sui faufautua a le *AIL i Niu Sila*), faatasi ai ma faamatalaga tau soifua maloloina e lagolagoina ai lau talosaga. E tatau ona faaoo mai talosaga i totonu o le 90 aso o le aso na muai faamaonia ai le Kanesa. Afai e lē o gafatia ona faatumu ma toe lafo mai pepa talosaga i totonu o le taimi faatapulaaaina, e ono faaopoopo le taimi e mafai ai ona faia lea tulaga (e pei ona faamatalaina i le Pepa Faamaonia Tau Inisiua).

O faamanuiaga e totogi i lalo o le Pepa Faamaonia Tau Inisiua o faamanuiaga matou te totogia atu i le taimi lava matou te maua ai faamaoniga tusitusia o le muai faamaoniga o le Kanesa.